

## ADMINISTRACIÓN LOCAL

### MUNICIPAL

#### AS PONTES DE GARCÍA RODRÍGUEZ

##### Cultura

*Bases Cabalgata de Entroido As Pontes 2020*

##### ANUNCIO

O concelleiro-delegado da Área de Contratación e Cultura, ditou a resolución número 88/2020, do 17 de xaneiro, que é do seguinte teor literal:

##### RESOLUCIÓN DA ALCALDÍA

##### ANTECEDENTES DE FEITO

O martes 25 de febreiro, celébrase a tradicional Cabalgata de Entroido. Para regular a participación nesta cabalgata se elaboran unhas bases reguladoras.

- Vistas as bases que regulan a participación no Cabalgata de Entroido.
- Existe proposta de gasto asinada de data 15/01/2020 por importe de 7.175,00 €.
- Existe informe de fiscalización da intervención favorable n.º 16/2020 con data 16/01/2020. Partida orzamentaria: 2019.0. 338.48100. Doc. contable RC ref.ª: 2202000026.

##### FUNDAMENTOS XURÍDICOS

Considerando as facultades conferidas pola Lei 7/1985, do 2 de abril, reguladora das bases de réxime local; R.D.L.781/86, do 18 de abril, pola que se aproba o texto refundido das disposicións vixentes en materia de réxime local R.D. 2568/86, do 28 de novembro, polo que se aproba o regulamento de organización, funcionamento e réxime xurídico das entidades locais e demais disposicións aplicables.

##### RESOLVO:

1.º.–Aprobar as seguintes bases que regularán a participación na Cabalgata de Entroido o 25 de febreiro de 2020.

##### BASES CABALGATA DE ENTROIDO 2020

O Concello das Pontes, a través da Concellería de cultura propón as bases para a participación na Cabalgata de Entroido 2020 que se celebrará o martes día 25 de febreiro.

**1.-Participantes:** poderán participar todas as persoas que así o desexen e teñan a ben cumprir a normativa que aquí se expón.

##### 2.-Categorías.

**Adultos:** carrozas, grupos, parellas e individual.

**Carrozas:** enténdense por carroza, unha estrutura de grandes dimensións sobre rodas, ben sexa autopropulsada ou remolcada, confeccionada para tal efecto e convenientemente deseñada e decorada. As carrozas deberán cumprir o esixido no anexo I e respectar a normativa de seguridade aplicable.

Non poderán inscribirse como carroza turismos particulares decorados.

Non caso de que se produzan danos a bens ou persoas durante a construción, organización e/ou posterior desenvolvemento da cabalgata, a responsabilidade que se derive será asumida solidaria e integramente polos inscritos como participantes na solicitude.

**Grupos.** Distinguirase dous tipos de grupos por número de participantes.

- Grupos de 3 a 9 compoñentes.
- Grupos de 10 ou máis compoñentes.

En ambos casos os grupos deberán cumprir a seguinte proporción: 3 adultos: 1 neno; en todo caso a decisión final sobre a categoría na que participarán os grupos, de existir dúbidas, será decisión do xurado.

**Parellas e individual.** Deberán ser maiores de 16 anos

**Infantil:** grupos, parellas, individual e meniños (na categoría meniños poderanse inscribir os rapaces ata 8 anos); no resto das categorías a concurso de infantil a idade máxima será de 16 anos.

Cada participante poderá inscribirse na categoría que desexe, tendo en conta a normativa que se especifica nestas bases.

**3.-Inscripcións:** as solicitudes de inscrición presentaranse no Rexistro Xeral do Concello das Pontes ou a través da sede electrónica (<https://sede.aspontes.com>) en impreso normalizado para este fin. Este impreso estará tamén dispoñible no departamento de cultura (Casa Dopeso, rúa Rosalía de Castro, 1.º andar).

O prazo de inscrición abrirase o día seguinte da publicación destas bases no BOP e rematará o luns 24 de febreiro de 2020, ás 12.00 horas. As solicitudes presentadas fóra deste prazo serán desestimadas.

Os grupos e carrozas ademais, deberán presentar a seguinte documentación:

Asociacións legalmente constituídas:

- Copia do CIF da entidade.
- Certificación de datos bancarios da entidade\*
- Documento de sinaturas de todos os participantes cuberto (anexo II).

Agrupacións informais:

- Copia do DNI do representante da agrupación
- Certificación de datos bancarios do representante/s\*
- Documento de sinaturas de todos os participantes cuberto (anexo II).

\*O prazo para presentar a certificación de datos bancarios dos premiados rematará o 13 de marzo de 2020. As persoas/entidades que non aporten este documento non poderán cobrar o premio

4.-O dorsal entregarase no lugar da saída da cabalgata dende as 16.30 horas. Para retirar o dorsal deberán presentar a copia da inscrición rexistrada. O xurado non avaliará aos participantes que non amosen o dorsal que se lles entrega.

5.-Todos os participantes deberán facer o percorrido completo que se especifica nestas bases.

6.-Aqueles participantes que se anoten en categorías que esixan a participación de máis dunha persoa, deberán facer o percorrido en conxunto, xa que o xurado só avaliará como participantes aos que acompañen ao portador do dorsal co número co que foron inscritos.

7.-Por motivos de seguridade queda prohibida a participación de calquera tipo de animal na cabalgata, xa sexa desfilando ou como elemento de tracción dalgún tipo de carroza ou similar.

### 8.-Premios.

ADULTOS	CARROZAS	GRUPOS ≥ 10*	GRUPOS (3-9)	PARELLAS	INDIVIDUAL
1.º	700 €	500 €	350 €	175 €	125 €
2.º	550 €	400 €	250 €	150 €	100 €
3.º	300 €	200 €	150 €	100 €	75 €
4.º	200 €	100 €	100 €	75 €	50 €

Os premios estarán suxeitos á retención do IRPF de acordo coa lexislación vixente.

Os premiados daranse a coñecer unha vez rematado o desfile no pavillón polideportivo municipal. Os participantes que resulten premiados recibirán nese momento un vale do premio.

O pago dos premios farase ás persoas ou entidades que figuren como representantes na inscrición do concurso por transferencia bancaria.

INFANTIL	GRUPOS	PARELLAS	INDIVIDUAL	MENIÑOS (ata 8 anos)
7 premios	150 €	75 €	50 €	Un conto e unha bolsiña de lambetadas

Aos premiados nas categorías infantís entregáraselles un vale canxeable por libros, material e xogos educativos e didácticos.

A categoría meniños non entra no concurso, e todos os participantes desta categoría recibirán un conto ao remate da Cabalgata no pavillón polideportivo municipal.

9.-Á hora de conceder os premios valoraranse aspectos como a orixinalidade, vestiario, maquillaxe, calidade musical, capacidade de representación, coreografía... así como o desenfado e interpretación do disfrace que representan; nos grupos terase en conta ademais o número de compoñentes.

10.-O Xurado estará formado por persoas designadas pola concellería de cultura, e un representante do Concello de As Pontes, con voz pero sen voto. As decisións do xurado serán inapelables. Algún dos premios poderá quedar deserto por decisión do Xurado.

11.-A participación na cabalgata implica a aceptación destas bases.

12.-Se coa finalidade de mellorar a organización e desenvolvemento dos actos programados se considerase conveniente introducir modificacións ao aquí fixado poderá facerse pola comisión organizadora, se ben se notificará antes do comezo da cabalgata.

**Saída:** Rúa Monte Caxado ás 17.00 horas do martes 25 de febreiro de 2020.

**Percorrido:** Avda. de Ortigueira, Avda. de Vilalba, rúa Celso Emilio ferreiro ata o pavillón polideportivo municipal.

**Entrega de premios:** a decisión do xurado darase a coñecer ao remate da cabalgata no pavillón polideportivo municipal. Todos os participantes deberán esperar o anuncio dos premiados xa que a ausencia dos mesmos dará lugar a que o premio se lle outorgue ao seguinte clasificado.

## ANEXO I CARROZAS

- 1.-Cada carroza contará cun tractor ou medio de locomoción que a remolque durante o percorrido. En caso de camión-carroza, non será necesario outro vehículo para remolcar.
- 2.-Estes vehículos a motor deberán contar co permisos de circulación, de inspección técnica (ITV) e os seguros correspondentes, baixo a responsabilidade das persoas que figuren como inscritas.
- 3.-Os choferes deberán contar co permiso de conducir apropiado para cada vehículo, e estará en vigor na data do evento.
- 4.-Os condutores cumprirán o establecido no RD 2822/1998 (Regulamento xeral de condutores). Prohíbese o consumo de bebidas alcohólicas.
- 5.-Os vehículos de arrastre deberán ter cheo o depósito de combustible para evitar problemas durante o percorrido pola cidade.
- 6.-As medidas máximas serán dun longo non superior aos 6 metros, dun ancho non superior aos 2 metros e dun alto non superior a 4 metros. En ningún caso se poderán sobrepasar as medidas establecidas.
- 7.-Non deberán posuír elementos cortantes e deben contar con faldróns que protexan e oculten as rodas.
- 8.-Non se poderá empregar iluminación mediante velas, petróleo, gas ou calquera outro tipo de combustible.
- 9.-Aquelas carrozas que precisen de grupo electróxico deberán protexer de golpes e inclemencias meteorolóxicas. O seu combustible non se poderá transportar na carroza, deberá ir no vehículo de arrastre convenientemente situado para garantir a seguridade durante o desfile ou nun depósito homologado.
- 10.-Deberase levar un mínimo dun extintor homologado e revisado.
- 11.-Evitarase a utilización de dispositivos lanzachamas e pirotecnia.

### SOLICITUDE PARTICIPACIÓN CABALGATA DE ENTROIDO 2020. AS PONTES

#### DATOS DO INTERESADO/REPRESENTANTE

Nome e apelidos \_\_\_\_\_

#### ENDEREZO A EFECTOS DE NOTIFICACIÓN

Enderezo \_\_\_\_\_

CP \_\_\_\_\_ Localidade \_\_\_\_\_ Teléfono \_\_\_\_\_

#### ELECCIÓN DO MEDIO DE NOTIFICACIÓN PREFERENTE

- Electrónica** a través do Sistema de notificación electrónica de Galicia Notific@ (<https://notifica.xunta.gal>)

Notifíquese a:  Interesado  Representante

**Só se poderá acceder á notificación co certificado electrónico asociado ao NIF da persoa indicada.** Ao elixir esta modalidade de notificación vostede autoriza a alta no Sistema Notific@. Os avisos da posta á disposición da notificación enviaranse ao correo electrónico e/ou teléfono móbil que se facilitan de seguido:

TELÉFONO MÓBIL: \_\_\_\_\_

CORREO ELECTRÓNICO: \_\_\_\_\_

- Postal** (cubrir o enderezo postal só se é distinto do indicado anteriormente)

#### CATEGORÍA NA QUE SE INSCRIBE (marcar cunha cruz o que proceda)

Adultos  Carrozas  Grupos<10  Grupos 3-9  Parellas  Individual

Infantil  Grupos  Parellas  Individual

Nome do disfrace \_\_\_\_\_

N.º dorsal \_\_\_\_\_ N.º participantes (só carrozas e grupos) \_\_\_\_\_

Observacións/ descrición do disfrace \_\_\_\_\_

As Pontes, \_\_\_\_\_ de \_\_\_\_\_ de 2020.

Asdo. \_\_\_\_\_

\*De conformidade co disposto na Lei orgánica 15/1999, do 13 de decembro, de protección de datos de carácter persoal; informámoslle que os datos de carácter persoal recollidos neste documento forman parte dun ficheiro automatizado, propiedade do CONCELLO DAS PONTES DE GARCÍA RODRÍGUEZ, cuxa finalidade é a realización de xestións do servizo có usuario. Vostede poderá exercer os dereitos de acceso, rectificación, cancelación ou oposición, segundo o disposto na lei, poñéndose en contacto co noso Dpto. de Dereitos ARCO no enderezo: Parque Municipal s/n; 15320 – As Pontes de García Rodríguez, (A Coruña).

## ANEXO II

## Documento de sinaturas para carrozas e grupos

É necesaria a sinatura de todos os compoñentes.

Os abaixo asinantes, membros da grupo/carroza \_\_\_\_\_,

Que participaron na Cabalgata de Entroido do Concello de As Pontes, autorizamos a D./D.<sup>a</sup> \_\_\_\_\_  
 \_\_\_\_\_ con NIF \_\_\_\_\_ e

D./D.<sup>a</sup> \_\_\_\_\_, con NIF \_\_\_\_\_ e

D./D.<sup>a</sup> \_\_\_\_\_, con NIF \_\_\_\_\_

Para o cobro do premio que o xurado da Cabalgata Entroido 2020 lle otorgou a este grupo/carroza.

O ingreso deberá efectuarse na conta presentada na certificación de datos bancarios presentados.

N.º	NOME E APELIDOS	DNI	SINATURA
1			
2			
3			
4			
5			
6			
7			
8			
9			
10			
11			
12			
13			
14			
15			
16			
17			
18			
19			
20			

2.º.-Ordenar a inserción das citadas bases no Boletín Oficial da Provincia.

As Pontes de García Rodríguez, 17 de xaneiro de 2020.

O concelleiro-delegado da Área de Contratación e Cultura

Vicente Roca Uceira

2020/343